

宋詩紀事補遺

宋詩紀事補遺卷之十

歸安陸心源伯

補遺卷之十

劉述

膺有

涵碧亭

兩山嵌處一泉飛飛到亭前聚作池砌下蛟龍盤未  
起席間環佩響無時

東陽縣志

湛俞

字仲謨閩縣人景祐五年進士知安丘縣治平  
中召以屯田郎中爲本路轉運判官志潔行廉  
年五十遂休致隱于宿猿洲三徵不起劉康夫

爲撰山居記鄉人名所居爲旌隱坊

靈峯院

禪林瀟洒倚危巔稅駕登臨思豁然萬里碧光晴望  
海一堂幽響夜聽泉寒龕龍臥清涼地古洞雲歸黯  
淡天好景自嗟吟不盡擬憑圖畫寄詩仙三山志

長樂臺

荔子園林海日邊幽亭更在碧雲巔江山舊是無諸  
國樓殿今爲極樂天輿地紀勝

建茶和羅拯韻

御茗毓何峰煙嵐十二重玉泉新吐鳳金餅五盤龍

陳統

景祐五年提點湖南刑獄尚書祠部郎中  
讀元顏二公中興頌碑

中興碑頌□崢嶸三百年來蠹不生湘水無窮流善  
價□山長在聳高名文傳幼婦詞原贍翰灑崩雲筆  
力精按部艤舟思訪古拂塵珍賞眼偏明

經浯溪元次山舊隱

次山曾此隱溪壑水清漪廢宅羣山合高名千古垂  
修篁森釣渚樂石聳豐碑唯有喬林色蒼蒼似昔時

徐良佐

武進人景祐五年進士知德清縣

吳興志作良肱

澄虛亭

一溪水浸羣峰綠澈灔長湖澄數曲波光如練暝危  
亭倚檻最宜凝遠目亭前日日舟火行千里萬里風  
帆輕長汀回首望不盡接天嵐氣何其清隔溪南下  
阜元路古松峭拔藏禪宇餘不祠前千尺潭昔有靈  
龜曾左顧時遷歲改名獨存德清從此民俗淳山奇  
水秀冠南國是處疑有桃花源過橋稍轉十餘步家  
家相向開朱戶大都川澤氣多寒時時猛點菰蒲雨

晚來忽霽涼意新一片兩片歸巖雲惆悵王維不在  
世把筆欲畫今無人老夫歌詩久不作對此吟情豈  
宜薄簿書推去試新吟眼前好景難道著城中美酒  
斗十千浦口魚肥賣得錢夜深卻羨漁翁樂醉飽溪

心明月眼

宋詩拾遺

石中立

字表臣洛陽人熙載子歷官翰林學士知制誥  
景祐中拜叅知政事卒贈太子太傅附見宋史

熙載傳

送僧歸護國寺

振錫來京輦薰蘭近賜衣種蓮曾結社指栢迥投機

舊寺千巒隔歸艎片席飛禪心天海外永夕望台輝

天台續集

句

尋常不召猶相造況是今朝得指揮

東齋記事

東齋記事石資政中立好諷諧樂易人也楊文公一日置酒作絕句招之未云好把

長鞭便一揮石立其僕卽和云云

慎鏞

字元音衢州人從吉子金部度支員外郎禮部

郎中府志秘閣校理景祐中知湖州宋史附見

從吉傳

送張無夢歸天台

暫御飈輪謁冕旒，卻思揮袂揖浮丘。  
日邊已奉崆峒問，塵外還隨汗漫遊。  
玉座榮頒天藻麗，石橋危過雨苔秋。  
吾皇清淨之高蹈，雲水無心本自由。

天台續集

蔡交

洛陽人後居萊州膠水交以兄齊蔭入仕景祐中官大理寺丞厯官殿中丞朝奉郎守尚書虞部郎中知洋州范文正公壻也

洋州

武定新雄閩

皇朝建爲武定軍節度後改爲武康軍

豐甯舊奧墟

後魏爲豐

甯都西魏改爲洋州

地兼秦蜀美川爲漢洋

軒轅壘環封領清

流躍野渠安知下斜谷

上音邪浴別得上華胥乾酒香

村落

不入水者謂之乾酒

生金富里閭

地產金末治者謂之生金

晴軒迎蝶

蟬夜管送蟾蜍

啼鳥絃幽塢芳花繡碧墟路飛遊女

蓋

士女出遊人持一青緝小蓋飾以革綵直有用珠璣編綴者

巷曳隱人裾陸會

尋穿石

春時遊於灘塲求石之穿者以絲綴之取其宜蠶郡官設慢張樂下同民歡謂之踏石

江遨揭聚魚

冬月用蒲藻養魚至臘日郡官泛舟於漢之鷺翁潭奏鼓樂揭而取之遊人從

觀謂之揭

繳將藤解坼

葛藤繩繳草木居人出而解

有會謂

耗用穀驅除

正月十五日州人將五穀攢于寺觀因而祝神以社禳虛耗謂

之送

雙竹溪翁杖一幹兩枝

特爲憚異

柔芎壩戶蔬

以芎木苗  
種爲蔬茹

鎮留儻壻恨

神仙唐公昉盡室昇天其壻會不嚴

得偕昇今其地有鎮謂之壻水鎮

遂佛人居

北山有僧云善誦經其傳甚怪

照市成都

然其地絕爲奇勝謂之念佛巖

所耗居人日夜馳之俗治庭無訟年豐瘠有儲大資

州將懶藐與世賢疎統總村何有甘酣分有餘正宜

心自怍更有位誰如未執歸田耒猶乘集事車好於

閑靜處積漸學樵漁

按蔡交時爲朝奉郎守尚書虞部郎中知洋州軍州事此排律

一篇辭旨固爲莊雅而詩注獨詳可徵當

日風景大都如在目前矣

漢南府志

李慎脩

成都人景祐進士見成都志

賦新繁周表權如詔亭

昔年曾見鯉趨庭締構開基敞燕楹教子義方居可  
法褒賢恩詔榜爲名人知一玉能成器家鄙千金任  
滿簾從此里閭爲盛事握蘭華省有才英成都文類

王隨

厲有

送餘姚知縣張太博

才名登仕路芝綺奉龍光出宰神仙邑吟辭鵠鷺行  
烟波迎去棹圖籍富行裝淮月蒹葭影江風橘柚香  
新詩留禹穴舊理過錢塘市井魚鹽聚亭臺水石涼

雲山接秦望花木勝河陽暫布惠和政卽看騎鸞飛

送妙明規長老

振衣辭帝里歸路指禪林勝地江山寺澄明水月心  
卸帆烟浦近鳴磬夜船深到喜清涼境門開松桂陰

憶越州

賀監賜湖名價高雲山吟賞抽江毫澄波杳渺醉欲  
去烟光水月留歸舠

越上湖山何絕奇昔聞尋勝甯遐遺烟波無憶舊吟  
醉方是致君堯舜時以上會稽

鄭州浮波亭

徵英集

激灑波光入座寒翠翎雪羽下雲端林花四繞餘何  
稱好種青青竹萬竿

石刻

玉兔寺

霜毫感應早呈祥誰布黃金建寶坊古殿幡花遶真  
聖美名靈跡異諸方

殿庭松柏午陰濃地占神山絕境中瑞質有靈千古  
在金田疑是玉蟾宮

以上山西通志

鮮于侁

厲有

遊靈巖

千峯環郡宇二水遶城堞每憐山水佳况復開巖穴

川流數里近放棹攀嶺稟靈巖駭神化環陰數畝間  
何人營佛祠棟宇殆天設前軒瞰溪山眺聽心耳豁  
徑穿巨水下碧玉聳高節涓流瀉石谼玉乳甘且潔  
其東乃小巖洞戶敞深徹嵌巖見石柱任重立精鐵  
昔人遇眞仙相與觀金闕川平聽雞犬始覺人世別  
屈曲沿清溪桃花正開發塵緣念鄉縣歸思若弦涉  
窮寐瞬息間巖扉已嚴鏽時遷等陵谷事勝存圖牒  
獨有蒼江流青霄鑒明月予來秋之季氣象頗淒切  
草木自變衰山花常復活青暉沃賞適異境差勝絕  
薄暮上歸艎依然望林樾

漢南府志

洋州三十景

東西橫塘裡積疊崑嶺玉潛鱗知幾何還待春風觸  
冰池

朱門謝俗客幽齋敘友人澄瀾鑑止水高節看叢筠

畫

春歸閨風家功入天匠手能將五色雲點綴當戶牖  
披錦

軒

三冬修竹色六月芙蓉風軒窗復起處盡入菱花中

橫湖亭

千峰起華陽一水連天漢初月正沈鈎隱然飛兩岸

湖

橋河

雲山日在眼飛觀復看雲願似崇朝雨飄揚靜世氛  
望雲

臺高上霄漢人遠絕囂紛秋中午夜靜萬里無纖雲

待月  
臺

琴躋積翠外絲結穹隆間軒檻最佳處四顧惟江山

二十七樂

泉聲日琮琤泉水深浩渺可愛主人心亭中狎鷗鳥

瀛泉亭

心休亡物我道勝一軒靜隱几度朝晡可嗟人畏影

吏隱

亭

亭出竹更密林幽人不知能教三伏景變作九秋時

霜筠

亭

物來言有應事去言自忘翛然一榻上聊可傲羲皇

無言

亭

葉上花露泣軒前紅日長遊風復爲誰時送席間香

霜香

亭

危欄試睡聽空翠如何把悄悄憂世心臨風一傾寫

酒虛

溪橋入庭下杖履可忘憂誰識釣璜翁有時拋直鉤

過溪亭

流水灣還來羽觴醉競應有蘭亭篇邦人起歌詠

禊

夏綠分照水秋香仍滿地吳宮誰教戰一一盡妖媚

苗苔

亭

深深惟使君草草學田舍持此歸與心隨時自瀟灑

野人

亭

結庵已忘情植竹更端操迢遙月上床習靜誰能造

此君

庵

遠分穰下美移植使君園何人爲修貢佳味上雕盤

宋詩

金橙

徑

天香分外清玉色無奈白誰向瑤池遊依稀太眞宅

茶葉

洞

城上望南園園深知幾許啼鳥聞間關遊人不知處

南園

朝陽動湖水春色入名園邑人千萬戶日日望朱幡

北園

幽蹊入疎篁翠色連遠塢清夜天風來不隔鸞鳳語

竹塢

凝霜壓寒蘆白月鋪淨練誰起落梅聲愁人淚如霰

浦  
蓀

盈枝紅欲滴照水色更好朝暮幾回新何用催秋老  
嶼

蒹葭何紛披湖水還詰曲誰言江渚間亦有雙鬢宿  
寒蘆

臺外遶佳山臺中垂暇日齟齬繹守居徒勞誇紹述

臺漢

湖源深可釀溪水清能照坐見落花來不知春色老

溪光

暉暉藍田山山下多綠玉安得結茅茨林間許容足

亭

寶書

漢南  
府志

題靈巖

馬煩筆策車馳轂終歲塵勞常碌碌喜聞巖寺在山中路轉清溪入幽谷乍行山口疑洞天窮深一上翻平田千層臺殿隱林木四面石壁生雲煙山僧迎門笑相揖爲語祖師存德迹屈指于今八百年已在西來達磨前鶴鳴飛止黃金地錫杖湧起清涼泉境爾四絕名天下天臺石橋乃其亞千峯不改歲寒時一水最憐秋月夜半生遊學頗艱辛且向空山老此身也知方丈安禪處解笑東西南北人

山東通志藝文

江休復

瀟有

牟駝岡閱馬

牧馬散近坰閱視乘高秋駝岡似涉苑堆阜帶川洲  
坡陁故梁城榮薄西南陬連棚映林樾星羅倚層邱  
回風吹陣雲奔驕歛來游野性脫羈馬飲乾遂所求  
腹幹頗肥張鬱怒何彪貅羣駁驃麋鹿逸勢凌蛟虬  
軍戎選輕捷和鑾御調柔毛物有千名眾美歸驛驅  
梁王愁思臺佛刹居上頭竭來一憑眺遺墟莽悠悠  
信陵骨已朽岩穴誰見收當時英豪輩事逐東波流  
置酒臨風軒聊以紓煩憂

汴京遺志

吳幾復

中復弟景祐間兄弟聯名登第嘉祐中知蓬州

鳳凰院觀稼

使君巡稼欲觀農賞景留賓大袞東溪鎖豹眠閑霧

露臺彫鳳集舊梧桐

輿地紀勝

句

蒼石雛文龍跡在清泉

又

海源通

聶致孫

歙縣人致堯弟景祐時人

秀文樓

講餘衣袂受風輕來與闌干共晚晴山倚南雲屏迤  
邐江迎西月錦鮮明道心千古飛鳶接秋意一樓賓  
雁橫老栢上頭天尺五莫歌金石出商聲

瑞州府志

登碧落堂

渺渺桑田注白波幽幽花洞憶真多丹成已在風烟  
上鶴遞其如城郭何月下清池明老劍雲凝碧落聽  
笙歌互陵王氣龍沙近儻乞飛霞侍玉珂

高安縣志

錢彥遠

字子高易子寶元元年進士知潤州召爲右司  
諫特賜五品服宋史附見惟演傳

題溪口廣慈寺

寺跨長溪山西回杉松微徑盡莓苔門前潮上不須  
看常恐塵埃隨水來

會稽掇英集

裴若訥

屬有

書懷呈江陰軍

男兒憂道不憂貧匣有焦桐篋有文卻訪姑蘇臺下  
隱滿船明月一溪雲

江陰縣志

吳世延

字延之一字季叟莆田人寶元元年進士官屯  
田員外郎知梧州與周濂溪友善著有季叟詩

文集

鼓角山

黎明騎馬出城闉  
鼓角山前訪故人  
白水一陂浮鶴背  
青田千里疊虬鱗

宋詩拾遺

崔黃臣

字仲牧福建惠安人寶元元年進士慶歷八年  
臨海令惠和而敏見赤城志

和陳述古仙居巖老堂詩

床頭數卷書足以樂樵漁眾謂衣冠傳自同巖谷居  
潛心富仁智育德審盈虛刻史如相訪淵明有舊廬

天台  
別編

# 王异

鄞縣人寶元元年進士治平四年司封郎中充  
祕閣校理知湖州

## 題招提院靜照堂

珍重慧空營妙隱標題靜照作佳名新堂復勝牛車

樂舊閣如地火宅繁

慧空舊主精嚴寺居安隱閣經  
嘉祐丁酉火鞠爲燭燼今住招

提院復創此堂故有是句萬慮根源塵外息一軒景物鑑中明夜

深宴坐心虛寂檀蕙烟微風月清

嘉禾志

呂濤

屬有

錢光祿兩張卿退居

江上築臺遺世塵。堂中虛白見天真。丹心許國平生事。  
皓首還家自在身。水樹芬馨憐蔭蕙。雪軒顏色愛松筠。  
清時解紱端榮佚。不獨賢哉詠古人。

又

壯爾盡忠力耆年。保素心東門脫圭組。南國傲雲林。  
水石排清景簷楹入翠陰。雜花春瑩酒脆葉夜驚禽。  
竹月歌欹枕。松風一解襟。體清塵累去。天得道腴深。  
坐有三公適。中無一芥侵。大恩嗟未報。何日奉觴琴。

毗陵

褚珵

山陰人寶元元年進士元豐中尙書都官郎中  
權三司勾當公事

送程給事知越州

元稹唐朝輔相材全家曾住小蓬萊公今得請爲藩  
去事異當時謫宦來雅意未應亡魏闕歸心且喜過  
蘇臺茂林修竹仁風動紫蘚黃柑宴席開聽訟初承  
召公後遞詩須繼樂天才政成不待三年報入告謀  
猷豈晚哉會稽掇英續集

沈紳

字公儀會稽人寶元元年進士治平四年以尙書屯田郎中爲荆湖南路轉運判官嘗與周子同游永州華嚴巖訪元次山故居讀中興頌晤臺中坐右堂二銘元豐中累官司封郎中知廬州見湖南金石志會稽續志及掇英續集

和孔司封題蓬萊閣

三山對峙海中央

舊志蓬萊山正偶會稽

高閣新題紫翠房玉

鉉相君頌瑞地金貂仙子挂冠鄉雲隨步武鼈頭穩風滿巾裾鶴背涼吸盡流霞不知醉直須乘月據胡

牀會稽掇英集

宋詩十  
主  
送程給事知越州

天街雨歇槐飛花鎮東新府腰青綢曉排闈闔辭玉  
皇肅齋先過文德衙赤墀再拜升東塗赭袍前對明  
朱霞公行早爲上所器恩言褒寵何光華翰林紫微  
文章公歡然惜去宴頭加東堂西府爭落筆詩艷萬  
丈靈星槎行周四方心徇壯勁氣晚節開胡沙東南  
便鄉久思歸翠巖白水得地嘉秋風鱸魚正鮮肥旗  
鼓滿城看過家吾鄉禹功有餘烈舊俗質厚民不謹  
比年天時苦荒札大資公已勤櫛爬行當下車鎮清  
和仁賢相繼自足夸蓬萊到日望三山海波浸眼窮

天涯酒濃詩豪真樂都莫爲畫船留若耶公才甚高  
宜大用歸來禁鼓聽新撾

千兵督府占樓居刻鎖君門一夕虛爲厭承明新遞  
直卻探禹穴舊藏書家頭鼓角聞初近坐上湖山畫

不如一道政清貔虎肅四星密拱紫微車

會稽掇英續集

范鎮

厲有

寓大邑遊仙寺

炎蒸無處避此地忽如寒松砌行無際石旁禪自安  
鴛鴦秋沼漲蝙蝠晚庭寬登眺見田舍衡茅半不完

送文與可通判邛州

半刺爲官美臨邛自古名何言緹軾寵要侍版輿行  
仙籍新年貴賓僚舊日榮壺漿故父老應在半途迎

漢州

和提刑海棠

不知真宰是誰專生得韶光此樹偏吟筆偶遺工部  
意賦詞今識翰林權風翻翠幕晨香入霞照危牆夕  
影連移植上園如得地芳名應在紫薇先成都文類

送司封劉孝祥知資州

醜壇山下路消息擬春風遙知底處人歡喜得西公

綉衣還西州錦帳空南宮使君五馬行豈減御史駕

輿地

紀勝

贈僧中海淵還闡

舊鄉山水遶禪局日日山光與水聲歸去定貪山水

樂不教魂夢到神京

輿地  
紀勝

上清宮

雲霞揖神仙煙火認城郭

文

陸續

字權叔常熟人寶元元年進士本名絳字伯厚

後改今名歷知揚子雍邱二縣嘗提舉江淮茶

稅充淮南路制置發運司運鹽公事終朝奉郎  
尙書職方郎中贈中散大夫有春秋新解三十  
卷工歌詩有聽琴歌等作

遊勝法寺兼簡深公

道旁有古寺歸然聳梅林邇來衣褐徒包禍歲月深  
埋伏狡兔穴嘯聚惡木陰安得智慧劖力斬姦邪心  
吾師曹溪流所在人依欽郡邑兩交疏來發雲雷音  
初如碎瓦礫乃見真珠琳瑩者破其簪瘞者披其瘞  
有若鸞鳳巢無復鴟鴞禽嗟予困吏役海岸宜投簪  
扁舟扣禪戶清風滿衣襟高論松桂間爲師揮玉琴

琴川

志

鄧心臘有

題曲水閣

鑿石得春渠波環閣勢孤新痕漲微雨遠碧注平湖  
士俗山陰舊風光洛曲殊回眸見危嶺憑檻有驚鳴  
墮蘂浮旋瀨疎篁蔭疊檻人間多捨翠魚樂半依蒲  
河朔誰觴友沂津昔詠儒遺芬知未泯遊蓋此爲娛

會稽招

英集

聞人安道

字彝庚嘉興人寶元戊寅進士稟性沉篤不輕

笑語博覽羣書尤精禮樂監睦州酒稅趙清獻  
公爲守知其賢遂與定交通判歙州時方行青  
苗錢散及一萬加俸安道曰吾不能去官然亦  
不願加俸歷官職方郎中知南康軍罷歸與東  
坡溫公交善詩筒往來最多云

題招提院靜照堂

白茅結宇自鄰鄰靜照初題梵宇新已向萬緣無斷  
處應爲一念不生人風瀟灑蕩原非動水月澄明未  
是真宴坐經行惟此地箇中消息與誰親李構詩繫

聞人安壽

嘉興人以父建蔭國子博士

題靜照堂

名藍小隱愜高情雅構堂淡豁眼明萬慮平時身可  
外一軒安處道初生花繁寶砌當春盛香滿金爐入  
座清復有高人乘興至爲題佳句遍雕臺構李詩繫

俞希孟

歙縣人寶元中進士嘉祐二年荆湖南路轉運  
使尚書祠部員外郎屯田員外郎充殿中侍御  
史襄行充言事官見蔡忠惠集

范陽同年示及零陵三題率然爲答甚愧妍唱

按范陽同年者盧減也前有嘉祐二年永州通判盧減題名刻在淡山岩

火星巖

信美真靈宅呀然洞府通皇家尊盛德南夏享陰功  
廟貌鄰炎帝峯名比祝融遊人思所謂無獨愛嵌空

朝陽巖

旭日多橫照幽巖得粹華次山名此地瀟水滙其涯  
峭壁生雲葉危根濺浪花終攜羨門侶晨坐嘵東霞

澹山巖

巖腹潛雲構清涼十畝間天留盤古穴人識寶陁山  
壞像煙嵐溼高僧歲月閑聖時無遁客佳境付禪關

吳戴

字叔才龍泉人以隱遁稱康定中郡守孫沔奏  
以教授州學部使者薦于朝授將作監主簿嘉  
祐中累官太子中舍知陝縣卒門人私謚曰冲  
和先生

涼軒

便齋素迫溢爲敝一軒清畏暑不能到好風常自生  
簷牙透山色砌腳逗泉聲事集民安堵琴碁此適情

山西

通志

聶宗卿

歙人致堯子冠卿弟康定中冠卿卒于揚州詔以其弟大常博士世卿通判宣州宗卿爲校書郎見新安縣志

遊黃山

陟岡尋勝蹟小徑遶危岑高隱重雲幕閒遊亂石林  
因潛滌患水如臥辟寒金松老青姿怪巖空紫氣淡  
幾宵驚客夢半夜有猿鑒我本神僊裔徘徊稱道心

志

黃山

表澤

康定七年臨淮倅攝郡

狼琊山清風亭

滁陽承乏多閒暇時入山中訪道安何處披襟卻煩暑清風亭上久盤還輿地紀勝

陳叔度

莆田人慶歷初虢州推官累官大理評事廣東提刑兼轉運提舉見胡文恭集脩陽比事

雙皂莢行

綠葉森森迎曉日雙雙啼結秋霜實乾坤造化借風流陰靈滑稽爲誰匹一帶雙葩心兩同風力雨綿神

其功中官始奏獻奇異祥圖瑞牒揮毫鋒四海萬方  
只一株繚繞周牆百丈餘侍從宮娃共爭取攀援棘  
刺血羅襦采得溫泉奉金輦雪瑩肌膚紅玉暖合歡  
當前此物生上皇都笑天機淺陝西通志

宋詩紀事補遺卷十 男侍讀銜內閣中書樹藩校

宋詩紀事補遺卷之十一

歸安陸心源伯剛父輯

饒子尙

子尙南城人慶歷初有詩名

逍遙峯訪李覩不遇

疊嶂南奔似躍龍逍遙樓畔識奇蹤雲根盤地三千  
丈石筍參天第一峯歲久已知蒼蘚合曉來常怪翠  
雲封肩輿卻過株槎路嚬色嵐光隔幾重江西詩徵

汪泌

儀真人慶歷二年進士熙寧七年都官員外郎

通判台州

題其樂堂

臨海城東湖氣象清且奇無風綠色淨十頃澄琉璃  
中有其樂堂今其名者誰人有答我問太守下車時  
訪民所疾苦民曰水最危其水或暴至城壞民流屍  
公謀得上策疊石完石基外遺數百家室屋鱗參差  
水至無所障適與漂溺期又欲隄其東苦乏土石資  
開湖足取用隄勢橫虹蜺湖光占空闊物從鑑中窺  
紫翠前後山環列如屏帷構堂就虛曠與俗同遊嬉  
太守宴堂上遊人歌水湄歌云從公來除患補瘡痍

況有此觀壯不樂何以爲有如登春臺人心舉熙熙

從事能文者作辭書之碑庶其不朽功上徹堯軒墀

天台  
續集

上官凝

字成叔邵武人慶厯二年進士調銅陵尉六年

調潭州司理參軍厯知湖口分寧安邱縣熙寧

三年遷職方員外郎通判處州卒

邵武

江上臘梅村人家半掩門夕陽連野色落葉破煙痕

石象之

厲有

入天台

溪岑縈繞紅塵外 殿閣欹危翠靄間  
我見老僧無一事 老僧更羨白雲閒

不見如師

洗除塵垢訪名藍 不得相逢益自憇  
松桂陰森香火冷 亂雲空鎖白蓮庵

隔塵亭

山椒亭榭適徘徊 痘膜煩襟斗頓開  
若有塵埃何處隔 此中自是少塵埃

白蓮庵

結社當年號白蓮師心應欲繼前賢有時中夜初回  
定清磬一聲秋月圓

天台續集

石牧之

新昌人慶歷二年進士元豐元年尙書都官郎  
中知溫州

送程給事知越州

越絕江東第一州邦人相慶得賢侯已知和氣先春  
到仁聽歡謡混海流去醉湖山無賀老坐吟風月揖  
浮丘此行定奉丁甯詔更老歸來侍冕旒

會稽掇英續集

陸起

江西新淦人慶歷二年進士熙寧中知吉州廬

陵縣

題廳壁

驅雞政府本來無剛被人呼邑大夫及至五更侵早  
起算來都是被雞驅

臨漢隱居詩話陸起性滑稽宰吉州廬陵  
劇邑訴訟尤多起既才短率五更視事至  
夜分猶不能辦自作  
一絕題廳壁云云

呂夏卿

厲有

謁張相公祠

天以伊臯生百越力回堯舜作開元波濤漏網魚龍活日月無光蠶蠛昏一自漁陽鼙鼓起九重方憶老

臣存

輿地紀勝

金君卿

君卿字正叔浮梁人治五經尤長於易學慶歷二年進士官江西提刑入爲度支郎中有君卿

詩文集易說

汴梁

洪河貫中州隨汴鑿支流滔滔萬里來禹浪東南浮糧道所由濟日逝於斯舟嗟哉隋皇帝禍起江都游

朱詩十一  
先身不先民汲樂不及憂遠棄宗室重死作社稷羞  
胡爲得民力舉鉛成巨溝後來蒙其利厥功固難酬  
願思所以失宴安乃仇讐

慈竹

欲知慈母心看此磯上竹四時無改易一節念幽獨  
蟠根石罅牢倒影潭心綠直恐霜雪姿化爲水蒼玉  
書簡寂觀

欹危煙靄間覆壓山岳半境窮天地寒氣古金碧爛  
泉源長清霽雲木杳凌亂尋高下來遠白日已西竄

哭劉卿材

人皆哭仲途我獨悲卿材仲途與卿材猶賜也與回  
回行不可泯孔弦有餘哀卿材不偶聖人孰知賢哉  
龍馬駕鼓車不如一駕駘燕金正掛賞痛惜骨已埋  
操舟過君家登山甫徘徊墓樹忽成拱犯雪色不摧  
攜觴奠其下灑涕霑蒼苔

怪石

凡物以怪見憎嫉爾獨胡爲人采拂巉頑累疊百千  
狀人獸鬼魅相彷彿裸蠻面縛夷吾囚日剝風皴子  
胥骨比干愛主心見剖孫子兼人足先刖枯龜灼墨  
足兆坼蟹蛇驚春暫蟠屈古器斷爛猶斲雕老木鱗

皴半枯机僧軒閒煞日月長  
剗地擣排破烟鬱簪溜滴窮蛾子  
垤蔓延引入蝸牛窟我來不以爾貌取所  
愛鏗然最堅質終當鍛鍊持補天安此兀兀爲玩物

送虔州知州

所蒞驅除弊一新政成草木亦知仁已嘗治最稱循  
吏好躡家聲作諍臣飛詔罷歸漳水日去帆催向汴  
隴春未央賜對須南問應記塵勞負弩人

和永叔芍藥

不逐羣花散漫開風前一笑向淹回使人便有留春  
意對爾強須銜酒杯時與樂并真勝會筆緣情賦盡

高才如何只得新詩看也似南園縱賞來

黃通有詩見寄因以答之

一別俄然十二春男兒志業可因循簡編少見承平  
日世路稀逢磊落人未免驅馳從縣道已甘榮悴任  
天鈞惟君知我須同醉且喜清時祿逮親

蒙詔書獎諭寄呈王介甫相公

鳳口銜書出九重帝王親賜紫泥封神光下燭將飛  
劖眞賞重鳴旣啞鐘砥礪若爲酬睿眷驅馳何敢歎  
塵蹤仙翁更借提攜力竹杖由來解化龍以上江

西詩徵

洪亶

李景純江西建昌人慶歷二年進士官郎中

挽李公擇內兄

久厯金門貴未酬黃屋知如聞天祿客抱恨作銘詩

宋詩  
拾遺

董淵

厲有

江西德興人慶歷二年進士任長樂縣令

碩山院

風際有雲多世態海中無底是人心可堪更問碩山

話一局閑爭古到今

三山  
志

瑞峯院

石屏樹幄白雲端溪路生苔樹石間閑訪禪家問塵  
世總言塵事不相干同上

孔延之

延之字長源新淦人孔子四十六世孫三孔父  
與周濂溪友善慶厯二年進士厯官欽州推官  
知封州遷轉運判官改荆湖北路提典刑獄遷  
司封郎中卒

頂山寺

高峯峯頂欲參天蓄怪儲靈遠近傳雲岫萬重圍淨  
土石門千丈落飛泉羣居在昔論三益少別於今已

十年繞檻穿雲似蝴蝶夢魂何夕不翩翩

江西詩徵

七星巖

隱安樓閣貫空嵌絕頂磨霄凝翠嵐若到白雲猶未半憑君更上七星岩

輿地紀勝

諸葛廬

字君俞丹陽人五舉於鄉皆第一慶厯二年附

楊賓榜出身爲英州真陽湖州德清尉饒州樂平簿宣州旌德撫州宜黃令以太子中舍人致仕旣歸闢其居之側爲圃開竹之蒙密爲洞洞之外爲亭亭之側爲池珍卉環之總名之曰歸

休而自謂曰熙真子熙寧丁巳卒年八十有五

偈

上天下地極高深幻化無蹤何處尋山靜白雲歸洞  
口水清明月落波心

京口著舊傳

徐九思

字公謹崇安石臼里人慶歷二年登第調斬水  
尉厯知雙流宣城南陵三縣趙抃唐介薦於朝  
入判三司後以中散大夫致仕箸有新豐集

送唐介謫英州

投荒萬里嶺南行莫叩天闔訴不平忠讐若教無竄

逐奸邪何計竊安榮一封疏在銘周鼎三黜名高重  
漢京最是中霄雷激烈爲君特地發冤聲

崇安縣志

向傳式

河內人敏中子宋史附敏中傳慶厯二年以工  
部郎中直集賢院知紹興嘉祐四年侍讀學士

綠波亭

我愛東南郡恩容守會稽府當秦望北園枕臥龍西  
水爲流觴引亭因正俗題松篁清有韻桃李密成蹊  
一沼開方鑑雙橋亘采霓曉波平漾漾春草碧萋萋  
城上興崇構林端露半梯

園枕郡城子因建樓於上以望湖山也

登疑

青漢近坐與白雲齊山色回頭是湖光照眼迷笙歌  
隨分有樽斝逐歡攜月夜宜飛蓋花時醉似泥蓬萊  
風景異此地好長棲

寄成都蔣密學

欽聞宥密綴榮班西顧分憂輶鉅賢乍領蜀都新印  
綬應懷越國舊風烟流觴雅趣人多羨正俗佳名世  
永傳聖主倚毗閒未得重來遊賞是何年聞拜命之  
一遊尋以促擢西行不果至越後欲渡江  
故有是句以上會稽掇英集

顏庶幾

父達州巡檢左班殿直與蠻賊戰死慶歷四年

以庶幾爲三班奉職皇祐二年監元氏縣酒稅  
見通鑑長編及元氏縣建學記

游碧落洞

神地秘靈室壺天鎖翠微歌詠極今古登臨忘是非  
況有麋鹿侶堪紉蘭蕙衣得志此何遠豈復懷塵機

韶州府志

宋禧

慶厯七年官御史劾知渭州張亢以庫銀市易  
八年爲兵部員外郎知諫院奏乞于宮省置羅  
江大以備盜朝論非笑號宋羅江尋出爲江東

轉運使皇祐四年山東轉運使尙書工部郎中

留題洞巖

翠巖仙洞白雲深躡石捫蘿一訪尋真馭不逢山色  
映澗風吹袂冷森森會稽掇英集

巡厯屬部留題青帝觀

按部到天孫因過清靜軒山尖覆雲蓋石罅迸松根  
危磴關河路遠林桑柘村閑邀羽人話洞究五千言

刻石

胡志康

字永甯如臯縣人瑗子慶歷丙戌進士官永州

牧。按湖州府志寓賢傳嘉祐三年上舍釋褐授朝奉郎杭州觀察推官

遊廣福寺

蘭若幽深與世違酒闌重覓未斜暉籃輿繞入花邊  
路布衲趨迎竹下扉清籟敲風和梵奏獨槐籠榻漲  
烟霏吟欄倚遍詩成處不覺金蓮映月輝五山耆舊集

謝景初厲有

尋餘姚上林湖山

山水有奇秀何必耳目親茲地世未知偶游良可珍  
平湖瞰其中翠巘圍四垠青松千萬植落瀑如懸巾

佛廟聳殿塔裝點繪圖新清谿與斷崖水石聲磷磷  
峯巔見滄海日出常先晨花草時節異竈間秋夏春  
陵谷千萬古豈無稱道人德微言不信又恐遠故埋  
樽酒且樂我醉來事事均

餘姚董役海堤有作

五行交相陵海水不潤下處處壞堤防白浪大於馬  
顧予爲其長恐懼敢暫捨董眾完築塞跋履率曠野  
使人安於生茲不羞民社調和陰與陽自有任責者

粵俗

粵俗嗜海物鱗介無一遺蝦蠃味已厚況乃蠣與基

潮來浦嶼漲遮捕張藩籬潮去沙滿灘拾掇盈籬箕  
殺烹數莫記瑣碎臭且奇苟務貪咀嚼審識暴殄悲

蛟蜃吐雲氣腹以人爲飴呀口日肥大洪波誰敢窺

會稽掇英集

蔡冠卿

冠卿字元輔南城人慶厯六年進士官大理少卿出知饒州去官後饒人思之畫其像於范文正祠配祀

雲門寺

憶昔雲門月正明煩襟消盡覺神清林泉自濯塵埃

事松檜靜含風雨聲山鬼聽經藏戶牖野猿偷果墮  
檐楹幾年京洛緇塵滿何日臨流一濯纓

江西詩徵

葉斐菴

福建延平人慶厯六年進士皇祐中長興令累  
官檢校都官員外郎元祐元年朝議大夫知嚴  
州見嚴陵入八長興入二十七湖州府志

過子陵釣臺

勢利輕捐寄傲中毅然高節凜秋風耕閑釣寂千年  
迹立懦廉貪萬世功須信林間無怨鶴更知天外有  
冥鵠扁舟夜泊靈祠下慨慕先生道不窮

嚴陵集

侯友彰

字夢符衡山人慶歷

一作祐  
祐間

六年丙戌進士初

爲臨武尉改桂林丞性廉介居官布衣蔬食無異寒素

示子

老去官仍舊貧來口亦添舉杯瓶易罄下箸味難兼  
吾祖從來儉癡兒莫謾嫌萬錢終有命遺汝不如廉

沅湘  
舊傳  
者

劉彝

厲有

潔慮軒

萬事本無心甯容意慮侵方池唯貯月脩竹不棲禽

地靜饒真趣風長展梵音有人重稅駕經宿樂幽林

天台續集

王存屬有

覆驗餘姚道中

一夫死非命滌驗更兩吏一囚坐法誅三覆與眾棄  
去年交趾敗殺戮無賤貴江淮屢歲青積殍溝壑穢

會稽掇英集

嚴子陵釣臺

嚴公英魄去何之江上空餘舊釣磯古木蒼烟鶴鵠

凜清波白石驚斯飛山中秋色香秠熟瓏下朝寒赤  
鯉肥何事夷齊恥周粟一生顚頷首陽薇

嚴陵集

張奕

字源明無錫人慶厯六年進士試祕書省校書郎累官台州軍事推官著作佐郎祕書丞太常博士治平三年卒見蘇魏公集張君墓誌

遊栖霞宮

尊師乃高道有意出塵寰佩劍文垂斗橫琴意在山靈龜調浩氣醇酒發朱顏最得時賢許詩牌滿棟門

天台續集

張稚圭

益都人貫臨安慶厯六年進士嘉祐中爲祕書丞

鐵袈裟

愛山特地上山來俗慮醒如醉眼開舉首但驚雲漢

近直疑平步出塵埃

靈岩集

黃照

字晦甫長沙益陵人慶厯六年進士除歸州司理參軍累官岳州華陽縣著作佐郎道州江華縣屯田員外郎通判桂州福建轉運判官治平

三年以范鎮王珪等薦召爲侍御史行次衢州  
卒年五十四詩文數百篇日漫爲集見劉忠肅

人

雉亭

爲愛空門息去機儒衣不著著僧衣

長老月公乃興國八年狀元王

公之族子淵魚林鳥已聞法更待當年瑞雉歸廣西通志金石

楊蟠

厲有

初冬同晤賢二師登映發亭望會稽

我有二陵侶相邀步寒日超然人外遊下見眾山出  
木葉落已靜乾坤久蕭瑟浮雲當空翻慘慘百鳥沒

欲辨越中岸青烟易爲失山川何寂寥宮闈猶髡鬚  
誰是古來者念之難再述功名隨塵埃豈復有其骨  
今我二三子永爲倣時物篇章逢太平窮窪坐天末  
生理本無固願言從此畢登臨望前人世事安敢忽

墨池懷古

書畫嘗聞晉右軍當時深遁樂天眞空山寂寞人何  
在一水泓澄墨尙新靈運也思輕印綬季鷹還解憶  
鱸尊高風負古應相照共是知幾此避身

憶越

蓬萊閣面對青山地上遊人半是仙漁浦夕陽橫掛

雨鑑湖春浪倒垂天高城尙鎖當時月故殿空留幾處烟長變刹谿堪乘興雪中曾棹子猷船

以上會稽掇英集

玉水堂

小池鷗鷺不成羣池畔蕭然一史君時霎醉眠春雨足覺來衣上有閑雲

煙客亭

退吏更無人迹到一天魂夢任遊揚

以上輿地紀勝

余襄公祠

功業終令萬古傳豈惟文采動當年曲江相繼成雙廟慶歷同稱有四賢

以

熙春園

桃源未識恐微茫每坐青林憤日長魚鳥自同千里  
樂風煙漫逐一城香竹圍月色來深院花引春情過  
短牆人世定知何處好且勤詩酒惜年光

澄江亭

萬里松州對海門蒼亭縹渺出飛塵東浮不礙三江  
下西轉無聲百谷賓月靜秋紋收白縠天橫暮色變  
黃銀風流小謝千年外解詠消愁更有人

朝宗門

百尺樓高四望中雲深一雁度長空人間砧杵催寒

事郊外笙蕭逐土風天帶江山元自好地流河漢忽  
相通丹心直北看飛雪往往隨花入帝宮

以上江陰縣志

袁陟厲有

百丈山

複嶺踰嶠崿層崖縕屈盤寺當幽谷面路指白雲端  
樹老蒼天骨藍凝上帝冠石屏秋已凍板屋夜多寒  
三宿孤懷戀千山遠夢殘惟愁鐘動曉西下見征鞍

浮雲宮

爲余傳語嶺頭雲君自無心笑我勤我亦暫來稱使者眠看官職似看君

以上江西詩徵

裴煜

厲有

峴山

襄陽有佳山名著無如峴嘗休賢達足我獨愧未踐  
君侯把麾符政暇興不淺命車極登臨旌旆隨谷轉  
心思羊鉅平息樹宜勿剪于今戴清風整整如冠冕  
高碑本墮淚雨瀆至苔蘚廟祠委榛蕪奚勸千載善  
馳章動天聽口以功烈件果聞帝曰俞恢宇明祭典  
哦詩序其事筆銳犀可剝景無一髮遺粲若丹青展  
乃知覽觀時非止在游衍聲氣異代同美從江漢顯

湖北通

志金石

崇大年

吳縣人慶厯六年進士累知青田浦城二縣元豐中以疾丐分司以太常博士分司南京歸吳日與程師孟諸公觴詠燕游號吳門十老大年德守純固志尚夷曠卒年八十二私謚靖康先生

送程給事知越州

三朝風迹號名臣十道宣勞德在民大筆有功爭造化宏才無地展經綸方登青瑣瞻天近又駕朱轓撫俗頻宸眷正隆時望重伫趨嚴召秉陶鈞會稽掇英續集

馮如晦

普州安岳人慶歷六年進士厯官知梓州范純仁帥環慶時有訟純仁不法命如晦往訊之力辨其誣富弼韓縝有詩述其事

拙詩五十六言贈富樂山海公長老

山名富樂冠三巴佛子今生此出家六祖禪宗心頓悟碧雲詩句眾爭誇虎聞講法馴高座鷗識忘機立淺沙八十餘年無俗慮只應幽會有蓮華金石苑

宋球

成都人慶歷中進士號涪川居士官職方員外

郎

贈富樂山海公禪師

遊遍西南轉法輪

海公遊行西州講經

歸來挂錫舊溪濱

師心

皎皎潭中月世俗悠悠几上塵

白雪眉毫俱晚暮

碧

雲章句獨清新近來素壁皆圖像如滿聯成七老人

金石

苑

許懋

字敏修仙游人慶厯間登進士元豐中兩浙轉

運副使遷左司郎中直祕閣知福州

送梵才上人歸天台

北岫巉巉敞佛居詩翁安隱類逃虛平生節行清無玷到老精神健有餘門俯清江軒挂月晝吟佳景夜觀書黃山俗客嗟官縛不得梯雲款淨廬

天台續集

譚贊

鎮江人慶厯進士

句

水腹魚龍宅山腰鼓吹衙

句

齊安無一事臺榭若天成

以上輿地紀勝

潘及甫

字憲臣江都人胡安定瑗弟子與兄希甫同登慶厯進士厯懷仁尉筠州判官知分甯霍邱壽春三縣皆著政績元豐中遷祕書丞太常博士充楚王宮太學教授終于屯田員外郎通判江州見雍正江都志著有文集三十卷

送程給事知越州

積年欣慕逸羣才今日皇都喜重陪行著纊衣歸茂苑醉攬仙履上蓬萊青雲有路千峯見碧海無波萬里開我欲傍淮先卜築隔江招隱望胥臺會稽掇英續集

送友

眾首渾無益送君將奈何已經貧病後一任別離多  
鬢髮新霜雪衣裳舊薜蘿不堪明月夜揮手唱驪歌

五山耆舊

家安國

字退翁四川眉州人第慶厯進士除雅州名山  
尉累官祕書省著作佐郎知嘉州洪雅縣知梁  
州知懷安軍紹聖元年卒年六十四見淨德集  
著詩三十卷文十卷

斷句

笙歌陪酒聖桃李從花王

淨德集

何羣

西充人慶歷進士

降真巖

鳳頂孤峯聳絕奇仙家雲馭久樓遞飛騰岷嶺元和  
日留記山巖景祐時水透山阿朝北坎山開井勢拱  
南離他年殿閣鳴鐘磬廣運重開帝載熙

西充縣志

姚原道

通州人慶歷進士累官尚書都官郎中通判杭

州

送程給事知越州

共登龍榜早翱翔青瑣黃扉佐有唐金印隔江開督  
府月娥環席勸飛觴臯夔勸鼎先三事杭越詩筒第  
一章不比當年元與白錦衣易地鎮仙鄉

會稽掇英續集

宋詩紀事補遺卷十一 男侍讀銜內閣中書樹藩校